



Plata dla Ploania Antermëia Sant'Antone Abat

UNITÉ PASTORALA



VAL BADIA
www.unitepastorala.org

Ploian: **siur Paul Campej**
E-mail: **campei.paul@rolmail.net**

Calonia: **0474/520012**
Siur Paul: **380 7345533**


Ann B 29.07.2018 - 05.08.2018 - 17. domënia ia por l'ann n. 35

Pan por duc

2 Resc 4, 42–44 | Ef 4, 1–6 | Jan 6, 1–15

Dal Vangele do San Jan:

Te chël tëmp ¹é Gejù jü ia sön l'atra spona dl lêch de Galilea, che à ince inom lêch de Tibèrias. ²Na gran meja de jënt ti jô do, deach' ai odò i sègns ch' al fajô pro i amarà. ³Gejù ê jü sön la munt y s' à sentè jö dailò cun sü discepui. ⁴Pasca, la festa di iüdes, ê daimprò. ⁵Canche Gejù â alzè i edli y odò ch' al gnô tan de jënt da d'êl, àl damanè Filipus: Olâ désson pa cumprè pan por che chësta jënt ais da mangé? ⁶Chësc âl mâ dit, por le mëte ala proa: deache êl instës savô ci ch' al ê por fà. ⁷Filipus ti à respognü: Pan por duicënt denars ne tleca nia, sce vignun de chisc dess nen ciafè almanco n piçe toch. ⁸Un de sü discepui, Andrè, le fre de Scimun Pire, ti à dit: ⁹Chilò él n piçe möt, al à cin' pans d'orde y dui pësc; mo êl é pa chësc por tan tröc! ¹⁰Gejù à dit: Lascede che la jënt se sëntes jö! Al ê dailò cotan d'erba. Spo s' ai sentè jö; al ê incër cinmile ëi. ¹¹Gejù à spo tut i pans, à dit l'oraziun de dilan y ti ai à partì fora ala jënt; insciö àl ince fat cun i pësc. ¹²Canche la fola ê pasciüda, ti àl dit a sü discepui: Coiede adöm i toç de pan avanzà, por che nia ne vais a dezip. ¹³Ai i à coiü adöm y n' à impli dodesc cësc cun i toç che ê avanzà di cin' pans d'orde, do ch' ai à albü mangé. ¹⁴Canche la jënt â odü le sègn ch' al â fat, dijôi: Chësc é veramënter le profet che dess gnì tl monn. ¹⁵Dailò s' à Gejù intenü ch' ai orò l'abiné te süa potesté por le fà re. Por chël s' àl indò trat derevers s munt.



Atlamaziun

DLA DOMËNIA

Al è loé sö n gran profet daanter nos; Dî s'an n' à tut sora de so popul. Alleluia.

Letöres dla 18. domënia ia por l'ann:
Es 16, 2–4.12–15 | Ef 4, 17.20–24 | Jan 6, 24–35

Edema liturgica dai 29.07. ai 05.08.2018

2018	Ora	Mëssa
17^a DOMENIA 29.08 <i>oferta por la dlijia</i>	9.30 10.00	Corona Gran Mëssa por la comunité a onur di Angeli Custodi aniversar + Maria Winkler, Frapes aniversar + Iarone Rubatscher + Otto Kircher <i>benedisciun dl tëmp</i>
LÖNESC 30.07 <i>s. Petrus Crisologus</i>	7.30	s. Mëssa + Paul Prousch
MERTESC 31.07 <i>s. Ignaze de Loyola</i>		
MERCUI 01.08 <i>s. Alfons de Liguori</i>	7.30	s. Mëssa ++ Tio y Maria Winkler
JÖBIA 02.08		
VENDRES 03.08	7.30	Pröm Vendres s. Mëssa a onur dl Cör de Geju + Vittoria Turnaretscher <i>Confesciuns</i> <i>adoraziun</i>
SABEDA 04.08 <i>s. Jan Maria Vianney</i>	17.30 18.30	Ora d'adoraziun s. Mëssa prefestia ++ Sepl y Iule Chizzali
18^a DOMENIA 05.08 <i>Porziuncula</i> <i>oferta por la dlijia</i>	9.30 10.00	Corona Gran Mëssa por la comunité a onur de s. Antone fam. Paul Chizzali <i>benedisciun dl tëmp</i>

Informaziuns y terminns

Provijiun di amarà chëst' edema !

N gran dilan ai acompagnadus di sorvidus ala mini-olimpiada !

Siur Ploan

„I á calmé jö y achité ia mia anima...“ (Ps 131,2) - Ai 6/7/8 de november sarál a Oies n curs de **introduziun al „Ruhegebet“** (www.ruhegebet.de). Le curs döra za. 3 ores al de (l'orar é da fá fora). Referent sará Pater Cyrill Greiter OCist, prou de Obermais/Maran. Por ciafé informaziuns implü y por ves scrí ite anter i 31 de agost podeise preibel cherdé sö le numer +39 3381300787.

Incö domënia, 29 de messé, dales 21.15, tla dlijia da La Val: **concert** de musiga baroca cun **Pinzimonio Vocale**, Windinstruments y l'organist Manuel Schuen.

Tl **Istitut Ladin** pón jí a ti ciaré ala **mostra de Lois Rottonara** y tl Museum de Tor ala mostra dla scora ladina y a La Plí vá inant l'opereta «La zingaindra»

Assoziaziun Turistica - manifestaziuns:

En lönesc, 30 de messé dales 21.00: film dla pröma vera tles Dolomites de Antonella Fornari a San Martin tl salf di stödafüch.

En dedolönesc, ai 31 de messé, dales 21.00: diashow Emoziuns Dolomiteches de Janpaul Irsara tla Pizzeria bar Fornata a Lungiarü.

En dedemesaledema al 1 d'agost dales 21.00: concert dla Musiga a n'Antermëia

En jöbia, ai 2 d'agost, dales 21.00: Gitschberg Gitschn söl paiun a San Martin.

En domënia, ai 5 d'agost: Roda dles viles, Assunziun de Lungiarü tl'Grup di Paisc di Alpinisc y 40 agn Parch Natural Pöz-Odles.



32772

GEBETSMEINUNG
DES PAPSTES FÜR

August

*I periun en chësc mëis
do l'intenziun dl Papa
por les families.*

*I periun che dötës les dezijiuns
economiches y politiches vëgnes
tutes tl respet dl gran valor
dles families.*

Zuspruch 32742
AM SONNTAG

17. Sonntag im Jahreskreis B

Man kann Brot ohne Liebe geben,
aber wenn man Liebe gibt, so wird
man auch immer Brot geben.

Leo Tolstoi

Por la Porziuncula pón davagné

*na indulgënza plenara: sc'an vijitëia na dlijia, dij le
paternoster y le credo y na oraziun do intenziun dl Papa,
lapró alda la confesciun y la comuniun i dis denant o dedô.*

Mësses a Rina:	Dom 8.30 11.15 (Munt da Rina) Lön 19.00 Dedol 19.00 Dedem 19.00 Jöb 7.30 Ven 19.00 Sab 19.30 Dom 8.30
Mësses a San Martin:	Dom 9.30 Dedol 19.30 Jöb 7.30 Ven 19.00 Sab 18.30 Dom 9.30

	30.07 - 04.08.2018	Joel - Maximilian
	05.08.2018	Lorenz - Joel - Nadine - Lisa
	04.08.2018	Lucia Turnaretscher
	05.08.2018	Jessica Irsara

Impressum:
Comunicaziuns:
Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044
www.unitepastorala.org | www.comun.sanmartindetor.bz.it